

四庫全書

史部

欽定四庫全書

欽定日下舊聞考卷一百五十一

物產 三

原京師北山鳥有紅雅沙雞文雉半翅

薊邱集

原鷓鴣褐色昌平北山有之爾雅釋鳥云鷓鴣冠雉是也今土人呼曰沙雞亦呼半翅或曰即突厥雀唐書車

鼻未叛鳴鷓鴣羣飛入塞吏曰所謂突厥雀者南飛冠必

至爾雅名以冠雉疑古即有此占矣

芹城小志

原鷓大如鴿似雌雉鼠脚無後指歧尾為鳥慙急羣飛

出北方沙漠地

爾雅郭璞注

增半翅盤山多有之即沙雞也一名鐵脚

居易錄

原桃雀狀類黃雀而小燕人謂之巧婦亦謂之女匠

禽經

原睢鳩深目目上骨露出幽州人謂之鷺鷥一名鷺鳩

幽州人謂之鷺鷥黃鳥幽州人謂之黃鷺鷥幽州人

謂之鷺鷥

詩草木鳥獸蟲魚疏

增乾隆五年

御製秋日聞黃鸝戲作 春光惜去生催去秋信憎來
強喚來好惡恁殊誰聽爾何須得得語高槐

增乾隆六年

御製初夏日聞鶯詩 雨餘新綠林初鎖風傳晚曉聲
聲可臨流度陌弄晴暉柳絲花片紛婀娜何處傷春不
忍聽誰人求友最關情雙柑斗酒兩無賴繁絲孤竹空
復鳴參差流韻紗窓綠金猊半爇蘭煙馥想見茅檐力
穡人當作村頭呼布穀

增乾隆七年

御製鳩詩

小軒夏云半嘉蔭誠清絕疎簾隔塵囂翠

簞含冰雪何來鳴鳩聲得得出林樾拂羽過春時喚霖
當夏月物各有天性人自生分別何喜噪簷鵲何愁杜
鵑血何勞布穀催何悲烏夜咽而我聞鳩鳴亦復怡然
悅卜雨愜我情稍解心中結

臣等謹按黃鸝並鶯鳩

御製諸詩是為首見之篇恭載卷內

補吾鄉稻熟時張羅以捕黃雀北則陶家莊南則馬家
疇所產獨肥喻物者比之披綿朵頤者侈為珍饌京師
則不然田雀以四月肥背有黃羽與江鄉純色者別而
以江南食法製之亦甚腴美蓋江南黃雀所食者稻疑
北地以食麥而肥也

小丹邱
客談

補幽州之墟有善鳴之禽人面鳥喙八翼一足毛色如
雉行不踐地名曰青鸛

拾遺
記

增翎之品海東青

句

白海青

句

青海青

句

白黃鷹

句

黃

鷹皂鵠鵠赤鵠兔鵠角鷹白鵠崖鷹魚鷹鐵鵠木鵠

鷄松兒

句

百雄

句

茸垞兒

以上俱為羽獵之雄者

天鷲秃鷲鷄老

地鷄地鷄白雉朱鷺鉤嘴鷺鷥

句

香匙嘴鷺鷥

句

山雞

鷄雞花頭鴨雉鷄

句

錦札鷄鵠

句

赤眼鷄

句

白頸鷄班

鳩翠禽山鷄山和尚早種穀

句

拖白練

句

樂官頭

句

杜

鷄黑翼

句

臘脂雞

句

青灰弗

句

黃灰弗

句

啄木

句

絆鷄

句

鶴鷄山雉拖紅練角雞石雞小雞章雞

以上在處通有圖經志書

原鷹有房山白者紫背細斑三斤以上四斤以下便兔

生房山白楊檉樹上向范陽中山飛漁陽白腹背俱白
大者五斤便兔生徐無及東西曲一名大曲小曲白葉
樹上生向章武合口博海飛黑阜鷗大者五斤生漁陽
山松杉樹上多死時有快者章武飛白阜鷗大者五斤
生漁陽白道河陽漢北所在皆有生枯柏樹上便鳥向
雲邱中山范陽章武飛青斑大者四斤生代北白楊樹
上細斑者快向靈邱山范陽飛

酉陽
雜俎

增海東青產遼東海外隔數海而至常以八月十五渡

海而來者甚衆古人云疾如鷁子過新羅是也尼嚕罕
田地是其渡海之第一程至則人收之已不能飛動矣
蓋其來饑渴困乏羽翮不勝其任自此始入東國有制
犯遠流者能獲海東青即贖罪傳驛而歸嘗誣錫寶齊
云海青一翅七日或八九日始得至尼嚕罕其氣力不
支或饑而眼亂者多溺死凡能逮此地者無不健奮故
其於羽獵之時獨能破駕鵝之長陣絕鴈鶩之孤騫雲
間獻奏臂上功勳此海青之功也錫寶齊者國言養鷹

之蒙古名也

析津志 按尼嚕罕滿洲語畫也舊作努兒干今譯改

增

聖祖御製海東青詩

羽蟲三百有六十神俊最數海

東青性秉金靈舍火德異材上映瑤光星軒昂時作左

右顧整拂六翮披霜翎期門射生諳調習雄飛忽掣黃

條鈴勁如千鈞激砮石迅如九野鞭雷霆原頭草枯眼

愈疾若然一舉凌高冥萬夫立馬齊注目下逐鳥雀無

留形爪牙之用安可廢有若猛士清郊垌瞭鷹築臺存

勝蹟佳名豈獨標禽經

增乾隆十七年

御製海東青行 鷲鳥種不一海青稱俊絕摩空健翮
上層霄千里下擊纔一瞥當其脫羈始縱時風力未會
遲飛掣羣燕綠撲或墜落何異淮陰胯下氣且折鷹鷂
之雛可懼量海青之雛得未逢聞之育卵大海東追逐
天鷲入雲中迴顧忽失故國蹤海東青爾不遠為利爾
不高騰空安得受制於人垂頭仰飼居樊籠王孫莫恨

未央宮

臣等謹按海東青

御製詩是為首見之篇恭載卷內

補皇慶元年上賜大都留守臣拜特穆爾白兔鵲一翎

翮皓潔白雪同皎至延祐元年毛羽變赤光采豔奕異

於尋常雖老於五坊者不知其所以然也

松雪齋集
按拜特穆爾

蒙古語拜不動之謂特穆爾
鐵也舊作伯帖木兒今譯改

增乾隆六年

御製鷹詩 鷺鳥鳥中傑羽翰利且便其在山林中食
肉而飲泉飛止任厥性擊搏無留難一朝落羈韁人乃
司柄權養翎須以時食飲毋或愆精銳乃奮厲矯翼雲
霄盤如鵬飛北溟萬里扶搖寬鷹師苟非良養飼失其
天饑乏片肉餐困憊臂右肩操縱復失術弱翅凌風旋
小雀不能獲何況雉兔焉謂之無良鷹是語豈其然
增乾隆十六年

御製白鷗行 鷗之與隼如枳橘鷺鳥之中俊莫匹是

皆其色雜蒼黝如雪白者萬無一矯然致此白將軍悚
立一朵梨花雪玉架金縷不放去爾行其義我行仁嚴
若鄧都飛李廣問鵲何來來海上蘭臺令史頌白雉誰奮
奇功酬養養鵲乎鵲乎秋其德而辛其色殊毛出衆非
改常致用求真正相得

臣等謹按鷹白鵲

御製諸詩是為首見之篇恭載卷內

增天鷲又名駕鷲大者三五十斤小者廿餘斤俗稱金

冠玉體乾阜孰是也每歲大興縣管南柳林中飛放之所彼中縣官每歲差役鄉民廣於湖中多種茨菰以誘之來游食其湖面甚寬所種延蔓天鵝來千萬為羣俟大駕飛放海青鴉鵲所獲甚厚乃大張筵會以為慶賀必數宿而返

新津志

增禿鶯能食蝗蟲蚋子有旨不敢捕食其形醜惡來則成羣無間蟲蝗多少悉能食之而吐出復聚於石上復食之其頭如長袋

同上

補魏延興二年四月幽州獻白鵠太和十七年正月幽
州獻白雉景明四年六月幽州獻四足鳥正始元年五
月幽州獻三足鳥延昌四年十二月幽州獻白雉正光
元年十月幽州獻白鳥

漢書靈
徵志

增乾隆四年

御製雉將雛詩 行行麦壠邊見一雉將雛雛兒纔長

成啞啞學母呼

解一

翅軟未解飛嘴嫩未能食飲啄與遊

翔皆賴顧復力

解二

兒兮依其母母兮愛其兒一朝羽翼

全那料南北飛

解三

有童持長竿捕雛何遽遽老雛雖善

飛繞匝不忍去

解四

雛兒頗有智藏伏荆棘間棘密難探

取頑童悵空還

解五

須臾童去遠老雉還來視母子得全

活鼓翼心倍喜

解六

爾童一何忍爾雉一何慈孰謂天良

心人禽乃倒之

解七

觀物可會心撫古常自鏡今朝忽見

此大愧中年令

解八

臣等謹按雉將雛

御製詩是為首見之篇恭載卷內

增近京師花兒市鬻黃鵠二毛羽作黃金色索直甚高

居易錄

原北燕朝鮮冽水之間謂伏雞曰抱爵子及雞雛皆謂之鶩其卵伏而未孚始化謂之涅尸鳩謂之鷓鴣戴勝

謂之鷓鴣

方言

增乾隆七年

御製雞卵詩 無雞卵不生無卵雞不成循環誰為始

倩彼雞卵評

增又

御製液池鳧詩

液池鳧乘春流灩灩錦波香葢浮浴

波銜蕊依汀洲託身喜無羅網憂不羨雲鵬萬里之翔
翔不為埒雞稻粱之仰求猶人既無卓卓之譽亦無戚
戚之愁液池鳧爾何俯仰自得而悠悠

增乾隆八年

御製家鶴詩

家鶴唳松陰聲淒故不揚野雁叫洲渚

春雨隨翔翔胡為凌雲姿遜彼棲蘆行由來受羈束只

為飽稻梁垂飛翅已剪待飼頸空長彈舌弔水月念結
烟霞鄉世事有如此對之增慨慷

增又

御製燕詩 管領風光一剪齊花邊翻掠柳邊低何人
却為牽文幌又得梁頭認故泥

增乾隆九年

御製鸚鵡詩 鸚鵡學人言宛轉皆相似其言自不知
謀謀殊未已人讀聖賢書期於用為理但務逞詞華不

實視諸履吁嗟嚙沓流何以異乎彼

增乾隆十一年

御製鷺鷥詩 宛爾江鄉意飄然楊柳風雍陶吟獨絕

呂紀畫雞工心憶寥天潤素嫌陳粟紅不緣貪口腹安
得入樊籠

增乾隆二十九年

御製黃鴨詩 黃鴨本水鳥或曰鴛鴦族白項身披金黑
足翅染綠從不分配寧須嘗背腹於何獲其一獻以

雕籠獨垂頭啄稻梁故知非所欲解籠命放之御湖任
飛宿無何其匹來雙雙合比目飛亦不遠去宿亦仍相
逐戢翼戒前離盟心期後篤願言畢羅人還應懷並育

臣等謹按飛羽類

御製諸詩有原書及增採諸書所未及而於物產攸關者謹編載卷內

又按以上飛羽類

原有熊有羆有猫有虎獻其貔皮赤豹黃羆

詩毛

御製有鹿五章章四句 有鹿育麕於原之隰既圻既
副不能卒起立 有鹿育麕於隰之華旋起踉蹌見人
兀不驚 鹿匪不驚為顧其子子始學步不能遠去
麕始離懷知親其母 舐之觸之以煦以乳 詩何云
乎以興以觀阮藉猖狂有警世言

臣等謹按詠鹿

御製詩是為首見之篇恭載卷內

增狼之品九節狐赤狐黑狸青狸花狸豺狼麝

志析津

增安塔哈即野駱駝也似驢而差小項下垂瘦毛朔北
野馬川甚廣其性深喜飲人便溺見則忘軀而吸飲之
蓋其地艱於水故也因其喜飲水故以誘其來而陷阱
填獲焉禁中有之

圖經
志書

增彪羈於馬後背田則縱之毛色光耀日照之則有五
色花紋捕獸則蹲伏於草莽中卒然擒之是其態也

志

析
津

增駝驢牛頭唇反居上驢毛矮小而醜駕車力過於牛

遠矣

同上

增翔羊京西山廣有之夜則挂角於險峻巖崖之下以
睡其蹻捷如飛履險如夷山人覘其往來多獲之俗呼

為野羊是也

同上

增武定元年七月幽州獲白狐以獻

魏書靈
徵志

增今京師宴席最重鹿尾雖猩唇駝峯未足為比然自
唐已貴之陳子昂麀尾賦云卒網羅以見逼受庖厨而
罹傷為君雕俎之羞廁君金盤之實云云若六朝以來

則以麀尾為談柄耳未聞充盤俎也耶律楚材西域詩
亦以麀尾駝峰作對

香祖
筆記

臣等謹按以上走獸類

原魴魚廣而薄肥恬而少力細鱗魚之美者漁陽泉州
鰾似魴厚而頭大幽州人謂之鵝鰾或謂之胡鰾

詩鳥
獸草

木蟲
魚疏

補燕人膾鯉方寸切其腴以啗所貴

山谷
別集

增金魚之種深赤曰金瑩白曰銀雪白質黑章赤質黃

章曰瑇瑁而別以管若筴管者鬣下而尾上周其身者

也筴者不及鬣周其尾者也魚有異種者

白而朱其額曰鵠珠朱而

白其脊曰銀鞍朱脊而白點七曰七星白脊而朱畫八曰八卦

有蝦種者

銀目金目雙環四尾之屬

種故善變飼以渠小蟲魚則白白則黃黃則赤無生而

赤者歲穀雨後魚則市大者歸他池若沿小者歸盆若

盎若琉璃瓶歲盛夏遊人攜罍飲此投餅餌啞呷有聲

其人銜餌竟去

帝京景物畧

原寶坻銀魚都下所珍北人稱為麴條魚形似東吳鱸

殘而倍大出海中蛤山下秋深霜降上溫泉產子映日

望之波浪皆成銀色人每候其至網之

燕山叢錄

增房山甘池石將軍廟下穴中有一目魚長可四寸每

於清明日出穴行則二魚相附

北游紀方

增大防嶺山下有石穴其水夏冷冬溫春秋有白魚出

穴數日而返人有採捕食者美珍常味蓋亦丙穴嘉魚

之流類也

水經注

原涿水有魚重脣甘池有魚一目

析津日記

原寶坻銀魚霜降後自海中蛤山出逆流北上薊州溫

泉下育子其色瑩白而銀

寶坻縣志

高承埏食銀魚作一束冰筴出水痕蘆臺霜信蛤山根只愁糝附油蒸慣食法監厨試細論稽古堂集

臣等謹按朱彝尊原書此條下有燕山叢錄一條

述豐潤海螺事豐潤今屬遵化州謹移入遵化豐

潤合卷

補雄霸武清等處俱係河泊斥鹵地面其間貧難人戶別無營產止仰捕魚為生魚官劉古乃所管打魚人戶

七十六戶每年納魚二千餘頭

烏臺筆補

補遼主達掄河釣牛魚以其得否占歲好惡近世周茂振使金金主賜之魚曰手所親釣者金亦用遼制也王易燕北錄云牛魚嘴長鱗硬頭有脆骨重百斤即南方鰾魚也鰾鱗同然本草既有鰾魚又別有牛魚云生東海頭如牛則牛魚別是一種非鰾也馮道使遼詩曰曾叨臘月牛頭賜使謂遼真以牛頭賜之非也遼主率以臘月打圍因敵冰釣魚則臘月牛頭者正本草所著東

海之魚其頭如牛者也非真牛頭也

演繁露 按達掄
滿洲語飲馬處也

舊作達魯
河今譯改

補周樞密麟之充金哀謝使金主愛之享以所釣牛魚
非舊例也樞密糟其首歸獻於朝同館王龜齡目為魚
頭公聞金人甚貴此魚一尾之直與牛同
增乾隆十九年

二老堂
雜志

御製詠鱣鯉魚詩 有目鰓而小無鱗巨且修鼻如矜
闌戟頭似戴兜鍪一雀安能齧半豚底用投伯牙鼓琴

金史卷一百五十一
處出聽集澄流

臣等謹按鯁鯉魚

御製詩是為首見之篇恭載卷內

增乾隆五年

御製飼魚詩 臨流坐石磯忘機魚不避投餌試飼之

引類紛然至却知非釣竿在藻心無忌清漣漾鏡光一一

堪數計因之識魚樂長歌發幽思遐想天地間人物

理不二有心鷗乃去去實人所致吁嗟庸衆流勞勞為

御製諸詩是為首見之篇謹編載魚事各條內

補霸州邊塘灤霜蟹當時不論錢也

春渚紀聞

增渤海螃蟹紅色大如碗螯巨而厚

遼史

臣等謹按以上水族類

原北方黃鼠穴處各有匹配人掘其穴者見其中作小土窖若牀榻之狀則牝牡所居之處也秋時蓄黍菽及草木之實以禦冬各為小窖別而貯之天氣晴時出坐穴口見人則拱前腋如揖狀即竈入穴韓孟聯句所謂

禮鼠拱而立者也惟畏地猴地猴形極小人馴養之縱入其穴則銜黃鼠喙曳而出之味極肥美元朝恒為玉食之獻置官守其處人不擅取也

霏雪錄

原黃鼠足短善走極肥見人則交其前足拱而如揖

昌平

州志

原黃花鎮有鼠色如鼯而毛淺初冬掘榛實貯穴中為岐洞貯之多至二三斗美好倍於人所收者土人每掘取之鼠失榛乃槁死樹上累累相望鎮將哀而禁之不

能止

昌平山水記

原刁約使遼詩云押燕夷離畢看房賀跋支醖行三匹
製密賜十貔狸皆紀實也伊勒希巴官名如中國執政
官哈卜齊勒如執房閣匹製小木罌以色稜木為之如
黃漆貔狸如鼠而大遼以為珍膳

古今詩話

原澠水燕談載遼國產大鼠曰毗狸形類大鼠而足短
極肥其國以為殊味穴地取之以供國王之膳自公相
以下皆不得嘗常以牛乳飼之頃北使嘗攜至京烹以

進御本朝使其國者亦皆得食之蓋極珍重之也張浮
休使遼錄亦謂有令邦者以其肉一鬻置之食物之鼎
則立糜爛是以愛重陸氏舊聞云狀類大鼠極肥腠甚
畏日為隙光所射輒死續墨刻揮犀載刀約使遼詩所
云毗狸如鼠而大穴居食粟穀若狔而脆遼以為珍膳
數說皆微有異同要之即此一物亦竹獬狸之類耳
近世乃不聞有此叩之北客亦多不知何耶

齊東野語

朱彝尊原按刀約詩所云貌狸疑即黃鼠也

增鼠之品銀鼠青鼠青鼯鼠山鼠赤鼠花鼠火鼠黑貂

析津志

增松鼠有二種一小者大不過三寸通身豹紋最靈黠

名松鼠一大者灰色善盜果實名臊鼠

盤山志

原蝙蝠北燕謂之蠟螳蜚易北燕謂之祝蛭蚰蜍北燕
謂之蛆蛄馬蛇北燕謂之蛆螺虻蜉燕謂之蛾蚌蚤燕
趙之間謂之蠓蝨其小者謂之蠓蝨鼯鼯北燕朝鮮冽
水之間謂之螭蜍

方言

原螽斯幽州人謂之春箕莎雞如蝗而斑色毛翅數重
其翅正赤六月中飛而振翼索索有聲幽州人謂之蒲
錯蟋蟀似皇而小正黑有光澤如漆幽州人謂之趣織
督促之言也里語曰趣織鳴懶婦驚是也

詩草木鳥
獸蟲魚詩

原永定門外五里胡家村產促織善鬪勝他產

帝京景
物畧

此條原在郊

門今移改

臣等謹按胡家村在永定門外今尚產促織

增促織感秋而生其音商其性勝秋盡則盡今都人能

種之留其鳴深冬其法實土於盆養之蟲生子土中入冬以其土置煖坑日水灑綿覆之伏五六日上蠕蠕動又伏七八日如蛆然置子蔬葉仍灑覆之足翅成漸以黑匝月則鳴細於秋入春反僵也

同上

增考促織爾雅曰翰天雞李巡曰酸雞郭璞曰莎雞一曰樗雞方言蛺蝶一曰蜻蛚爾雅翼曰蟋蟀生埜中好吟於土石磳甃間闌則吟鳴其聲如織故幽州謂之促

織也

同上

增蟋蟀別種三肥大色澤如油曰油葫蘆首大者曰柳

子頭銑喙者曰老米嘴

同上

增絡緯便腹青色以股躍以短翼鳴其聲聒聒以其聲

名之曰聒聒兒

同上

增乾隆十三年

御製詠絡緯詩

皇祖時命奉宸苑使取絡緯種育於暖室蓋如溫花之
能開臘底也每設宴則置繡籠中唧唧之聲不絕遂以

為例云 羣知絡緯到秋吟耳畔何來唧唧音却共溫
花榮此日將嗤吟菊背而今夏蟲乍可同冰語朝槿原
堪入朔尋生物機緘緣格物一斑猶見
聖人心

臣等謹按絡緯

御製詩是為首見之篇恭載卷內

增蟬土人呼為唧蟬三伏鳴者聲躁以急曰伏天入秋

而涼鳴則淒短曰秋涼

帝京景物略

增蜻蛚大而青者曰老青紅而黃者曰黃兒赤者曰紅

兒好擊水而飛

同上

增黑蛱蝶大如扇橘蠹所化北人云元武蟬

桂海虞衡志

增蠶北方地燥多在土中故多土蜜方言燕趙之間謂

之蠓蠓其小者謂之蠓蠓

爾雅翼

增蜂有土蜂蜜蜂馬蜂各名蟋蟀即寒蟬蟲螽燕俗呼

螞蚱

涿州志

增鼯鼯一種扁薄貼壁間者北人呼為壁繭馬蛻方言

北燕謂之蛆蝶大曰馬軸淮南子幽州曰秦渠一曰馬
陸蟻爾雅虬蟬大曰蟻小曰蛆方言虬蟬燕謂之蛾蟬

同上

增乾隆六年

御製善子詩 善子張羅網蟻蝶為其食在戶似處堂
跂脉頗自得有童持長竿捕之不費力纔喜口腹飽旋
遭身命殛物理有如此觸目堪歎息

臣

等謹按善子

御製詩是為首見之篇恭載卷內

補螳螂陶宏景云燕趙謂之蝕眈今人病贅眈者捕食

之爾雅疏刻本誤食龐藝文類聚刻本誤食耽

小化書

原螞蚱亦名長脚此蟲來著人衣當有親客至幽州人謂之親客蠆幽州謂之蠆塘燕謂之蚰蚱或名之蚰蛛

蝮

增乾隆十九年

御製榛蝮詩 啾啾榛蝮抱煙鳴亘野黃雲入望平雅

似長安銅雀噪一般農候報西成 蛙生水族蝮生陸
振羽秋叢解促寒蝮氏去鼃因錯注至今名象混秋官
按蝮蝮乃絡緯蟋蟀之類周禮蝮氏去鼃蝮原不指一
物而言注謂蝮今御所食蛙夫蛙乃蝦蟆不可食蝮亦
其類俗名田雞尚可食至蝮則斷無可食
之理不精考而錯注以訛傳訛益不少矣

增乾隆二十年

御製蟻螻詩 蟻螻浮撇天陽氣始奏達塘北水欲蘇
池南水已活醯雞甫辭波飛空亂騰越非甕無酒氣撲
地隨唾沫驅散仍復聚紛不可究詰粘衣喪其生較菌

猶飄忽微物亦一時化工浩旋斡

臣等謹按蟲豸所有

御製諸詩凡原書及增採諸書所未及而為物產攸關者恭載卷內

又按以上蟲豸類

欽定日下舊聞考卷一百五十一

欽定日下舊聞考卷一百五十一舉正

有魚重脣原書脣訛作蜃今改

涿水條

欽定日下舊聞考卷一百五十一舉正

欽定四庫全書

史部

欽定日下舊聞考卷一百五十二
三

詳校官庶吉士 范逢恩

檢討臣 德生覆勘

總校官進士 程嘉謨
校對兼謄錄進士 單可璠

欽定四庫全書

欽定日下舊聞考卷一百五十二

邊障一

臣等謹按山河之固在德不在險舜時幽營之地
界在遼水東西後代德不能及遠乃有邊防明初
徐達築邊牆自山海關西抵慕田峪一千七百餘
里阨塞又安足恃乎

國家威德遠揚輿圖式廓每歲恭值

避暑

行圍自古北口外興桓名勝之區

清蹕所臨皆為都邑奚有於此疆爾界也臣等編纂朱

彝尊原書有邊障一門大抵皆前明關鎮之制其

言山川形勢特詳爰為詮次存其舊俾有所考云

原燕築長城自造陽至襄平置上谷漁陽右北平遼西

遼東郡

史記

原天保六年發夫一百八十萬人築長城自幽州北夏

口至恒州九百餘里

北齊書

原開皇長城起嵐州合和縣經幽州皆因古蹟修築

和无

郫縣

以上三條原在
世紀門今移改

志

世紀門今移改

原京東之外鎮營薊遼陽也京西之外鎮宣大偏頭也

京東之內險山海也京西之內險居庸白羊紫荆倒馬

鴈門寧武平刑龍泉也

長安客話

臣等謹按方輿紀要平利亦作瓶形在山西繁峙

縣界

原關隘之要有四曰古北口曰居庸關曰喜峯口曰松

亭關烽堠相望者一百九十六處

明實錄

增燕薊之北有松亭關古北口居庸關此中原險要

宋史

增居庸古北松亭等關東西千里險峻相連近在都畿

易於據守

金史

增漢唐都關中去邊幾千里餘今京師北抵居庸東北抵古北口西南抵紫荆關近者百里遠不過三百里爾

長安客話

增京師宸山帶海有金湯之固正定以北至於永平關口不下百十而紫荆居庸山海喜峯口古北口黃花鎮

險絕尤著

職方圖考

增宣府大同藩籬也居庸紫荆門戶也順天正定保定等府州縣堂室也藩籬密斯門戶固門戶固斯堂室安

漁石

集

增易州西北乃金坡關即紫荆關昌平之西乃居庸關順州之北乃古北口景州東北乃松亭關平州之東乃

渝關即山海關

春明夢餘錄

原薊鎮邊分東中西三路東路帥駐臺頭營

昌黎縣

所急

者四曰山海關

撫寧縣

曰石門砦

撫寧縣東

曰燕河營

永平府北

曰

建昌營

遼安縣北

中路帥駐三屯營

遵化縣東

所急者四曰太平

砦

遷安縣西北

曰喜峯口

遵化縣東北

曰松棚谷

遵化縣北

曰馬蘭峪

薊州東北

西路帥駐石匣營

密雲縣東北

所急者四曰牆子嶺

密雲縣

縣東北

曰曹家砦

密雲縣東北

曰古北口

密雲縣北

曰石塘嶺

密雲縣西

北其邊牆皆依山湊築大道為關小道為口屯軍曰營

列守曰砮

方輿紀要

臣等謹按石匣有新建龍王廟

御製詩已恭載京畿密雲縣卷內茲不複錄

增薊州自山海關而西至居庸之灰嶺隘口共一百二十處相去約二千一百里又自州以西有邊牆三重由州北里谷等關西達密雲之軌朶子關為第一重自州東北豐臺谷寨西達密雲之牆子嶺南谷寨為第二重自州東彰作里關西達密雲我眉山嶺砦及香河縣為

第三重而密雲之桃兒冲寨與靉朮子相接邊牆至此

始合為一又西則古北口又西則居庸關也

方輿紀要

增東起山海西迄居庸延袤二千里皆屬薊鎮

同上

原洪武初即古會州大寧地設北平行都司興營諸屯衛封建寧藩與遼東宣府東西聯絡為外邊已而魏國公經畧自古北口至山海關增修關隘為內邊以故薊州西接居庸北折而東南抵海上盡漁陽盧龍皆其管內船泛登萊陸走趙魏襟帶原澤馮朔京師號稱雄鎮

迨文皇靖難烏梁海內附乃徙北平行都司于保定為
大寧都司而散布興營諸衛於京府大寧之地盡畀烏
梁海通貢互市諾音大寧福餘三衛是也自是紅螺白
雲之北遼東宣府聲援隔絕而喜峯三屯密雲白羊以
漸收縮失計甚矣

明典彙 按諾音蒙古語官
長也舊作朵顏今譯改

明典崇按諾音蒙古語官
長也舊作朵顏今譚改

原金立中京大定府至貞元元年更為北京元世祖至
元七年改為大寧路洪武初元將納克楚尚據金山二
十年三月命大將軍宋國公馮勝等率師出松亭關築

大寧寬河會州富峪四城勝遂率兵趨金山六月納克
楚降九月置大寧都指揮司大寧中左右三衛及會州
木榆新城等衛悉隸之二十一年改大寧都指揮司為
北平行都指揮使司距北平布政司八百里二十四年
封皇子權為寧王建文元年九月燕王兵出劉家口襲
破大寧下富峪寬河會州等城以寧王及將士歸北平
大寧初設未有民人但立一十六衛自燕王拔之而南
遂為空城及轉戰三年始下南京而大寧已棄之後不

能復置因徙衛于山南而以其地畀烏梁海然永樂元
年仍命武安侯鄭亨於千戶寨灰嶺廢州神樹西馬山
七渡河皆設墩堠新昌伯唐雲領軍自小興州大興州
東接牛嶺會州塔山龍山諸處屯種迨十九年命邊將
置邏騎營於古北口之北神樹之地則當時此地尚為
甌脫也

昌平山水記 按納克楚唐古特
語黑水也舊作納哈出今譯改

原薊鎮東自山海關西抵石塘路升連口接昌鎮募田
峪界延袤一千七百六十五里

四鎮三
關志

增洪武二年從淮安侯華雲龍言自永平薊州密雲迤

西二千餘里關隘百二十有九皆置戍守

明史兵志

補薊鎮經畫臺牆規制俱出於戚少保

海嶽山房集

原薊鎮設督臣自嘉靖庚戌始

太函集

臣等謹按以上各條總叙薊州一帶關砦

原喜峯口乃烏梁海進貢之路本名喜逢口古松亭關

也

長安客話

原灤陽驛東北四十里有雙冢世傳昔有久戍不歸者

其父求之適相遇此山下相抱大笑喜極而死遂葬於

是因謂之喜逢口

圭塘
小稿

原喜峯口路關砦一十二東自鐵門關西至團亭砦延

袤九十四里董家口下關砦五青山口關橫山砦游鄉

口關董家口關勝嶺砦

俱洪武
年建

邊城二十八里空心敵

臺二十五座大喜峯口下關砦七鐵門關李家谷關榘

木谷砦石梯子谷砦大喜峯口關小喜峯口關團亭砦

俱洪武
年建

邊城三十四里空心敵臺一十五座

四鎮三
關志

原鐵門關外有大潭即喜峯水之源也關南十五里為
穹窿山山多洞穴高與鐵門關齊自洞口而西十里為
西山嶺即喜峯古松亭山也南行二十里曰小喜峯又
西南三里曰老子谷下為團亭砦灤水由此流入撫寧
縣境隔灤水而西為樓子山又南十里為平山撫寧與
遵化相出入處也

方輿
紀要

原喜峯口關在遵化縣東北七十里關城周三里關口
有來遠樓可容萬人宣德三年車駕由喜峯口大敗烏

梁海衆於寬河嘉靖十年三衛入侵自此益增兵戍守

為薊邊重地

同上

原嘉靖中胡守中以都御史奉璽出行邊乃出塞盡斬
遼金以來松木百萬於喜峯口創建來遠樓守中恃寵

驕恣尋以賄敗樓後為水衝沒今臺址尚存

長安客話

補鐵門山距鐵門關三里在李家谷左其南為穹窿山
頂明如月穿之跨其巔山與鐵門山並高其洞十丈大
小二孔廣如高之半旁為穹窿者多其陽平疇也洞內

周十餘里小洞十數極巔大洞紅背鴉之巢也轉而東
懸石皆五色入東崖向北前坡鼓以八音莫不應焉名
應樂軒出洞口十里為西山嶺即喜峯古松亭山也其
峯削下要有洞二丈餘深倍之有墳在岡臨關口乃古
蕃王墓元許有壬紀事謂有久戍士父尋之相逢於此
喜笑父子俱死葬焉曾掘之風雨大作而止今戍者歲
祀之其稱喜峯蓋訛自永樂之後也

碣石
叢譚

補萬歷庚辰夏仲辛巳鵲蛇聞於喜峯東園 同上
補萬歷甲申仲夏辛酉喜峯井兒北九號臺霹靂雷電

將鋪房三間并汛軍火器盡燬震死戍兵童守中臺正
臺副龔象壬亮三人越五日三屯營且時地震丁亥仲
夏癸巳三屯營西時地震自西北而東南有聲如
雷喜峯李家谷中時風雨交作雹擁尺餘

同上

補喜峯口古松亭闕外有山石壁峭絕萬仞無蹊徑可
上巔有精舍三合朱扉粲然自下望之可見土人云每

夜聞其上有鐘梵聲竟不能測

皇華紀聞

原徐太傅城在喜峯口關東北有小城相傳中山王所
築歲久彌堅遠望如碧玉懸厓斗聳人跡希邈

名勝志

原明蕭鑑大喜峯口關城興造記畧

上卽位之明年
勅都察院右僉都御史鄒來學自山海以西至天壽山

以乘千餘里之地闢城也堡其患疆里之軍務處置聽
以便宜公拜手稽首言曰於乎皇上所以委任者至矣
我何敢不力以欽承休命先是敵自白羊紫荆諸關皆
失利公守喜峯口親歷邊境相地之險易曰多寡在人
而捍禦之廣斥堠謹烽燧民用以寧及有是命時鎮守
則有尚膳監郁公永總兵則有都督僉事宗公勝左右
參將則有都指揮僉事胡鵬馬榮公與之謀曰鄉者緩
急預備一時權宜耳經久之計當如聖諭衆咸是之議
既克協乃經營繕治之不獨喜峯口而已其他董家羅
大諸峪劉家界嶺一片石諸口廣者百餘大狹者數百
尺皆築城以障其缺舊所有者乃增高之為門以便我
軍之出入通水道者則制為水關城之外為濠濠之外
為牆山之峻者削之為壁豁峪蹊徑凡人跡可通者盡
築焉蓋東西千餘里間營壘相望高深堅壯足以經久
誠所謂金城湯池固也公又以謂諸關獨喜峯口鉅鎮
朝貢道所由出乃為城樓以示壯觀樓高四大深廣稱

之名曰鎮遠樓經始于景泰壬申之七月落成于癸酉
之四月力取于守禦之卒而兵不知勞材取於山峪之
產而民不知費人見其功之成而不知其何以為之也
於是其將吏相與告於宗公曰都憲公受上命疆里而
公式克協心同力以底於成不有紀述其何以示後宗
公曰然乃以書屬翰林編修劉宣請於予古之為天下
者不病乎其有患恒病乎其無備不病乎其無備恒病
乎難其人夫事機之來無常惟禦有其備則雖有一朝
之患不足為吾害備不先其使經理有其人則雖獎敗
之餘猶足成吾功故曰惟在得人而已北邊當永樂宣
德中承平日久無事修治正統以來蓋顏頤極矣聖天
子臨御赫然述中興之業乃始汲汲於斯當此時受命
而往者肩背相望雖極一時之選然其間苟簡就功者
猶或有之獨公毅然以為己任而凡將佐與同事者皆
効力相成故其所建立堅久不壞使國家視之晏然無
復後顧之憂此蓋千萬世永遠之績豈一時之功也哉

為考其始末之樂論著之俾為天下國家者知治之責
在於得人而後之任此者當思所以善繼之也尚約集
原許有壬喜峯口歌 兒寒解衣重撫摩兒餓推食孰
忍訶長成與國遠負戈一去不返當如何去時云戎東
北鄙直出榆關度遼水白頭老翁形影俱豈憚山川千
萬里天教此地適相逢父曰從天墮吾子笑疲樂極俱
殞身誰謂情鍾遽如此官家開邊方未已同生又別寧
同死山雲漠漠風颼颼山頭雙冢知幾秋當時不忍一
朝喜今日翻成千載愁猶勝貞女化為石終古孤身雙
不得清江寒影日悠悠行人一去無消息 圭塘小稿
原王寅宿喜峯口詩 萬里秋風暮連山到此分幾年
尋紫塞今日宿黃雲片月臨關見孤軍擊柝聞燕歌爭
勸酒強飲不成醺

十岳山房集

臣等謹按以上各條皆叙喜峯口

原由喜峯口東北六十里曰椴木峪關又六十里曰松亭關自松亭關至大寧廢衛凡三百六十里為控禦之

要

道里記

原松亭關在喜峯口北百二十里遼人自燕之中京每

自松亭趨柳河

方輿紀要

原劉敞奉使遼東博聞強記素知山川道里遼自古北至柳河迴曲千餘里敞問曰自松亭趨柳河其徑不數日可至中京何不道彼而道此遼人不虞敞知相顧驚

媿曰誠如公言自通好以來置驛如此不敢易也

東都事畧

原閭詢字議道鳳翔天興人嘗使遼頗知北方疆理時遼主在錫津遼者王惠導詢由松亭往詢曰此松亭路也胡不徑葱嶺而迂枉若是豈非夸大國地廣以相欺耶惠慚不能對

宋元史質按錫津滿洲語釣魚絲線也舊作鞞統今譯改

原渝關居庸可通餉饋松亭金陂古北口止通人馬不可行車山之南五穀百果良材美木無所不有出關未數里則地皆瘠鹵矣

金國行程

原遼薩巴反宗叙出松亭關取牛遞于廣寧

金史本傳按薩巴

義見前舊作
撒八今譯改

原太祖自將襲遼主于大魚濼留輜重于草濼以達蘭

為奚六路軍帥鎮之實古納博勒和護送常勝軍及燕

京豪族工匠自松亭關入內地上戒之曰若遇險阨則

分兵以往實古納博勒和乃合於達蘭

金史本傳按實古納蒙古語

審問也舊作習古迺博勒和滿洲語潔淨也舊作婆
盧大達蘭蒙古語七十數也舊作撻懶今俱譯改

原建文初大寧帥劉貞等引兵出松亭關駐沙河攻遵

化燕王馳援貞等退保松亭既而燕王謀取大寧諸將
曰大寧必道松亭關關門險塞守備方嚴恐難猝拔乃
從別徑趣大寧還收松亭

明成祖
實錄

臣等謹按以上各條皆叙松亭關

原由石梯子砦五里至大喜峯口邊外通大川貢路正
關并南稍城及遼遼嶺通騎衝要其大小安口等墩空
山險通步又五里至小喜峯口關正關并東西稍城通
單騎又十里至圓亭砦正關有灣河一道自外流入平

時水淺可渡夏大水難行邊外通喜峯口大川

三鎮邊務總要

原松棚路東自潘家口西至山口砦延袤一百五十五

里關砦二十四龍井兒下關砦八潘家口新關

嘉靖四十一年

建東常峪關西常峪關三臺山關

俱洪武
年建

蘇郎谷關

靖嘉

十六年建龍井兒關張家安若椽八谷若

俱洪武
年建

邊城五十

里附牆臺四座空心敵臺四十四座洪山口下關砦五

廖家谷關

正德三年建

洪山口關西安谷砦白棗谷砦三道

嶺砦

俱洪建年

武邊城二十里附牆臺三座空心敵臺四十

四座羅文峪下關砦十一天勝砦舍身臺砦

俱永樂年建馬

蹄谷關

洪武年建

蔡家谷砦

永樂年建

秋科谷砦千家谷關羅文

峪關貓兒谷砦山寨谷關沙坡谷關山口砦

俱洪武年建

邊

城六十三里附牆臺一十一座空心敵臺六十四座

四鎮

三關

志

原由團亭砦三里至潘家口關外通喜峯口大川河口

并擂鼓臺墩東西空通騎衝要蔡地谷次衝其十八盤

通步餘山俱險又二里至東常峪關外通大川正口并

欠少可成ハナラ

口大川平漫正闕并祿八谷墩柞子嶺白羊坡等墩座
四處極衝通大舉餘險通步

三鎮邊
務總要

原潘家口在遵化縣東北四十里嘉靖三十八年諾音
入侵渡灤河由潘家口而西大掠薊州其東曰團亭砦
又東即喜峯口也

方輿
紀要

原三臺山關北五十二里曰寺兒峪又北十六里曰土
松嶺又北六十七里曰謝兒嶺又北有惱儂河傍牌川

等處

同上

原由緣八谷五里至廖家谷正關并白草安通騎衝要
餘止通步又三里至洪山口關外通大川平漫正關并
兩稍城及西墩空外俱寬平通騎衝要又三里至西安
若外通大川各墩空俱通人馬衝又六里至白棗谷外
通大川各墩空亦通人馬衝又七里至三道嶺此外關
雖通大川但裏口地勢三面如屏險可以據不通大舉

三鎮邊務總要

原洪山口關在遵化縣北三十里有城其內為松棚營

方輿
紀要

原弘治十二年八月整飭薊州邊備都御史洪鐘奏洪
山口關原設於松棚谷境與營相去不遠成化間關移
今所而營堡仍舊營去關三十餘里且山嶺道隘人馬
不得並行遇警卒難策應請移營於附近李家谷口從

之
明孝宗
實錄

原由三道嶺四里至天勝砦正關通單騎不通大舉又
三里至舍身臺砦正關并苦梨谷墩空俱通騎極衝又

五里至馬蹄谷關正關并稍城通騎極衝其餘墩空通步又十里至蔡家谷關正關水口并關東尖山墩空通騎衝要又二里至秋科谷砦正關秋科谷東空山墩猪墩通騎餘通步又十里至于家谷正關并桃樹安墩西界倒溝嶺墩各空通單騎衝又五里至羅文谷關外通大川各墩空俱通騎極衝又二里至貓兒谷砦外通大城及黃草安尖山墩鶯窩崖白嶺兒石板溝各墩空通

騎極衝餘止通步又十五里至沙坡谷正關桑樹安迤
西東山墩三空通單騎衝餘通步又三里至山口砦正
關并東西南角樓墩空俱通騎衝要

三鎮邊
務總要

臣等謹按以上各條皆叙松棚路

原龍井兒關要衝也其內為三屯營

方輿
紀要

原三屯營去喜峯二舍營曰三屯忠義中衛百夫長凡

三景泰間勅征東大將軍駐劄

名勝
志

原營在景山之北城周四里西北至喜峯口六十里西

至遵化縣亦六十里

紀方
要與

原三屯城宣德初建于獅子谷天順間城于忠義中衛
三百戶屯故曰三屯門三各建重樓戚繼光繕之自為
之記

遵化縣志

原三屯營城天順四年建萬厯二年戚都督展初馬鎮

三關志

原萬厯元年侍郎汪道昆視薊鎮條奏善後事宜以
三屯營總兵所治惟近設守備一員原無軍衛總兵標

下各營支領文移率出境借用遵化各衛印信恐增減
稽程且本營駐劄各兵並非土著兩防各發汛地新舊
二城俱空不可無備查忠義中衛設在遵化該衛三百
戶所屯地則在三屯營營由此得名遵化城附衛一所
不為不足請以忠義中衛移置三屯營就于三屯營城
內空地蓋造衙門解舍居之

邊庭
碩畫

增薊州以三屯營居中為本邊重鎮東至山海關三百

五十里西至黃花鎮四百里

泰明夢
餘錄

增京東自山海關西至黃花鎮為關塞者二百一十二
為營堡者四十四為衛二十為守禦所三設分守叅將
五于燕河營太平寨馬蘭峪密雲縣黃花鎮以管攝營
堡謂之關設守備都指揮五于山海永平遵化薊州三
河以管攝衛所謂之營設總兵官一員於三屯營以總
鎮馬關設於外所以防守營立於內所以應援

同上

補薊鎮忠烈廟合祀于三屯以死事都督孫臚未曾立
廟但塑像于景忠山三忠祠後新廟既成昇入居中獨

坐以副總兵而下旁列祀之

碣石
叢譚

補三屯城東北二十五里為芥山遼進士馮唐卿于

山前結廬種芥自給故名其陰則青山關營也

同上

原戚繼光重建三屯營城記畧 三屯營去喜峯二舍
在遷安縣南百二十里遵化縣去之五十里左山海右
居庸而縮數其中舊城瘁薄而隘繼光總理鎮務鵠衆
訓練于此弗足以容乃謀闢城于制府會上即位詔增
飭邊垣適汪少司馬閱師條便宜制令移忠義中衛于
三屯城內遂置衛增營及營建公署明年秋規外地而
拓其址徹南垣而圍之凡五百五十七丈高二丈五尺
加五尺為堞址廣四丈有餘門三南曰景忠東曰賓日
西曰鞏京次年春乃繕舊城凡六百一十六丈表裏高
厚悉如樓臺下旁各分便門周城水洞有二敵臺有九

環以牛馬牆列孔以備睥睨闢場以
積芻蕘從橫五十丈止止堂集

臣等謹按以上各條皆叙三屯營

原羅文峪關在遵化縣西北十里馬蘭峪東第十四關口也其北五十九里曰窟窿山又北七里曰神山嶺又北十三里曰白馬川又北十一里曰石夾口

紀方
要興

原馬蘭路關砦二十五東自石崖嶺砦西至峨嵋砦延
袤二百三十六里大安口下關砦七石崖嶺砦

年洪武冷

莆頭關
 龍池砦
 沙嶺兒
 砦大安口
 關鮎魚石
 關平山頂

砦

俱永樂
年建

邊城二十八里空心敵臺八十五座寬佃峪

下關砦六馬蘭峪砦

洪武
年建

獨松谷砦豐臺嶺砦

俱弘治
十三年

建龍洞谷關寬佃谷關

俱永樂
年建

餓老婆頂砦

正德十
年建邊

城二十七里空心敵臺三十九座黃崖口下關砦七恥

賠谷砦

成化二
年建

古強谷關

永樂
年建

蠶綠谷砦青山嶺砦

俱成

化二車道谷砦

嘉靖十
六年建

太平安砦

成化二
年建

黃崖口關

永樂

建年邊城六十里空心敵臺一十二座將軍營下關砦五

彰作里關將軍關黑水灣砦黃松谷關峨嵋山砦

俱永
樂年

建邊城六十九里空心敵臺一十八座

四鎮三關志

臣等謹按馬蘭峪據

大清一統志今屬遵化州境其西即豐臺嶺

本朝為

陵寢重地初

賜名鳳臺山康熙二年又封為

昌瑞山設副將一員駐守雍正五年改設總兵官所有

恭建

陵寢制度以暨節年

祇謁典禮並恭載

大清會典茲編不敢複錄

原馬蘭峪在遵化縣西北七十里為守禦要地有城關外六十七里曰牽馬嶺又鮎魚石關馬蘭峪東第二關口也正德四年諾音入侵自鮎魚石毀垣入馬蘭峪十年烏梁海寇馬蘭峪叅將陳乾戰死嘉靖三十四年諱達亦自此入侵馬蘭峪其東為大安口亦要口也嘉靖

三十八年嘗為敵陷口北三十六里曰柳林又北二里

曰白棗林又北十六里曰新開嶺

方輿紀要

原由山口砦五里至石崖嶺西三墩空平漫通單騎餘
通步又四里至冷背頭關外通大川各墩空俱衝通大
舉又五里至龍池砦通大舉又十里至大安口關邊外
通大川正關并各墩空俱通騎極衝又四里至沙嶺兒
砦夾石口過道嶺墩內外平漫俱通騎極衝又九里至
鮎魚石正關通大舉其東西墩空山險可通步又四里

至平山頂砦內外平漫通馬步衝

三鎮邊務總要

原沙嶺兒砦其北為琵琶谷

四鎮三關志

原由平山頂六里至馬蘭峪境外地名秋木嶺離邊三

十里通大舉東通鮎魚石南通烏喀達東北穿謝家峪

衝又三里至獨松砦駝駝谷安口墩平漫通大舉衝又

七里至豐臺嶺砦通步不通騎又五里至龍洞谷路窄

正闊瓦子谷俱通單騎衝又五里至寬佃谷正闊水口

內外平漫通大舉又五里至餓老婆頂砦路窄通單騎

東空平漫通騎

三鎮邊務總要 按烏喀達滿洲語塔子頭也舊作歪骨塔今譯改

原寬佃谷黃崖谷東第六關也

方輿紀要

原黃崖谷有花香寺

長安客話

原由餓老婆頂十里至恥瞎谷砦又三里至古強谷關
並山險不通騎又三里至蠶椽谷通步不通騎又十里
至青山嶺砦通單騎又八里至車道谷由樞土嶺通步不
通騎又二里至太平安砦由擦子臺離砦十里通人
馬正口衝又十一里至黃崖口關正關水口東西稍城

斷頭崖安口墩中山兒龍扒谷磚墩東西二空俱通騎

衝

三鎮邊
務總要

原黃崖谷關在薊州北四十里其北三十五里曰尋思

谷又北十五里為柞兒谷又車道谷堡在黃崖谷東直

北即元之大興州也

方輿
紀要

原黃崖谷俗呼曰萬塔黃崖山嶺上一塔黃色相傳金

為之餘塔不可數東南通古北口元避暑古道也

長安
客話

原由黃崖口關四十里至彰作里關正關水口并紅石

谷墩空俱平漫通人馬極衝又二十里至將軍石關正
關水口城下內外墩邊及大段頭山小段頭山墩空極
衝又十五里至黑水灣砦路狹山險通步又八里至黃
松谷關正關水口城下內外平漫通人馬極衝又二十
里至峨嵋山砦通步不通騎

三鎮邊
務總要

原黃松谷關邊界分屬密雲而其地則逼近平谷縣境

方輿
紀要

原峨嵋山砦在密雲縣東北一百一十里其東曰黃松

谷將軍石自將軍石而北十三里曰夾城嶺又北一里曰私鹽嶺又北十六里曰斗子谷自峨嵋山東至薊州之黃崖谷關凡五口

同上

原興善寺在峨嵋山營東二里至平谷縣二十里唐咸通三年建寺之東北里許靈泉山下有泉出焉經流于

寺俗因稱水谷寺

平谷縣志

原白雲寺在黑豆谷砦北至縣二十五里金皇統四年

建

同上

臣等謹按以上各條皆叙馬蘭路

原曹家路東自小臺兒砦西至將軍臺砦延袤一百三十五里關砦二十二小臺兒砦石塘谷砦姜毛谷砦蘇家谷砦大水窪砦大蟲谷砦遙橋谷砦惡谷砦南谷砦燒香谷砦烽臺谷砦黑谷砦水谷砦汗兒嶺關大角谷砦倒班嶺砦師姑谷砦扒頭崖砦梧桐安砦齊頭崖砦柏嶺安砦將軍臺砦

俱洪武年建

邊城一百六十四里空心

敵臺五十八座

四鎮三關志

原由大黃崖關十里至小臺兒砦邊外有橫山通步又
七里至石塘谷邊外山險通步又七里至姜毛谷邊外
有橫山通步又十里至蘇家谷邊外亦有橫山通步又
五里至大水窪又十五里至大蟲谷又十五里至遙橋
谷又八里至惡谷邊外皆霧靈山障之僅通步徑右折
為馬連谷營再左為南谷砦自惡谷口至南谷五里又
五里至燒香谷邊外有霧靈山通步又十里至烽臺谷
北五里至黑谷砦其北為紅門川正關河口迤南通騎

折而右十里至水谷砦平漫通騎衝又十里至汗兒嶺
通川谷一道隘口窄正闕并西山墩空通騎衝又五里
至大角谷通步又五里至倒班嶺通大川水口迤西口
土牆一帶通單騎又五里至師姑谷外通大川極衝又
五里至扒頭崖東接土牆外通大川山險不通騎又三
里至梧桐安砦又十里至齊頭崖山俱險又四里至柏
嶺安砦廟兒嶺墩北高墩狗皮嶺路通單騎迤西墩空
俱山險又六里至將軍臺山險通步

三鎮邊
務總要

原潮河川東二十里為司馬臺有城二門提調一人守之東南有將軍臺堡又東四十里為曹家砦距密雲九十里城周六里三十六步三門復築新營附城之西二門遊擊一人守之其東有黑谷關堡有水關守備一人守之南有吉家莊堡提調一人守之曹家砦之東牆子嶺之北有霧靈山距邊四十里水經注孟廣礪山也其下為廣礪水自黑谷關入西南流逕牆子嶺西合清水河其山高峻有雲霧蒙其上四時不絕上多奇花又名

萬花臺山之左右峯巒拱列深松茂柏內地之民多取材焉元史有霧靈山伐木官又言文宗命西僧於霧靈山作佛事一月而其絕頂可瞰塞內議者謂山錯在諾音地界據此山守之則易循山南守之甚難嘉靖初巡撫都御史王大用欲通諾音與以重賂取其山城之不

果也

昌平山水記

原曹家砦在密雲縣東北九十里西去潮河川六十里古北口東第十三關口也有城城之西為新營口外三

十五里為青沙嶺又北五十四里即小興州又有牛心

山在曹家砦土牆邊外四十里

方輿紀要

原黑谷關在曹家砦東北其北十四里曰榆樹林東南三十六里曰鴿子塘又南十里為窄道兒東北過斗裏

庫

同上

原惡谷砦在黑谷關南嘉靖間議者請于惡谷紅土谷

香鑪石等處塹崖壁以為固其地蓋相近也

同上

原黑谷關東南為吉家莊營又東五十里曰大安子嶺

又東三十里曰黃土嶺又東北三十里曰紅門川

邊防考

原霧靈山在密雲縣每于六月六日現祥光如霧土人

如期候之上多奇花又名萬花臺

獅山掌錄

臣等謹按

大清一統志霧靈山本名伏凌山酈道元水經注伏凌

山甚高峻巖嶂寒深陰崖積雪凝冰夏結故以名

山後改稱霧靈山

聖祖仁皇帝有御製霧靈山詩今恭載卷內

增

聖祖御製晚發古北口望霧靈山詩
流吹凌晨發長
旃出塞分遠峯猶見月古木半籠雲地迴疎人跡山迴
簇馬羣觀風當夏景澗草自含薰

原霧靈山有雲峯寺相傳寶誌公曾卓錫于此

長安客話

原白河發源于霧靈山

漕河考

臣等謹按白河河神祠

御製詩已恭載密雲縣卷內茲不綴錄

又按

大清一統志白河源出宣化府赤城縣自古北口流入
密雲縣西漕河考乃云發源霧靈山舛誤殊甚霧
靈山乃潮河所經與白河無涉

原白河源出塞外經密雲縣霧靈山為潮河川而富河
晉口河七渡河桑乾河三里河俱於此會名曰白河南
流經通州合通會及榆津諸河凡三百六十里至直沽

會衛河入海

吳道南
河渠志

臣等謹按吳道南河渠志指潮河川為白河亦誤此乃潮河上源非白河也今潮白二河至密雲縣東南始合其故道則合流于順義之牛欄山又密雲下游矣

又按據

大清一統志及永定河圖冊桑乾河發源山西寧武府神池縣伏流至大同府馬邑縣雷山之陽七泉並湧合流為一經宣化府保安州界又經宛平縣西

南自盧溝橋以上尚稱桑乾自橋以下入千里長堤今

賜名永定河其上流與白河中間相距百餘里迥不相
及此條乃云與七渡桑乾諸河合名曰白河舛謬
殊甚又今永定河下游直至天津之丁字沽俗所
稱三汊河者始與白河衛河會從此入海三汊河
以上皆不與白河合謹并識以備考

原霧靈山在密雲縣東北二百里距邊四十里即水經

金匱要略卷一百五十二
注孟廣硯山也

方輿紀要

原孟廣硯水出硯下硯甚峻峻我我冠衆山之表

水經注

臣等謹按以上各條叙曹家路之霧靈山一帶今
為馬蘭鎮所轄

原牆子路關砦一十一東自魚子山西至大黃崖口延

袤二百三十一里鎮魯營下關砦五魚子山砦熊兒谷

砦南水谷關北水谷關灰谷口砦

俱洪武年建

邊城一百四

十五里空心敵臺十座牆子嶺下關砦六黃門口關南

谷砦牆子嶺關磨刀谷砦

俱洪武年建

小黃崖關大黃崖關

俱永樂年建

邊城八十六里空心敵臺六十九座

四鎮三年志

原由峨嵋山砦十五里至魚子山砦桃園墩南北順墩

大青山嶺墩窑墩等處平漫通騎又二十里至熊兒峪

正關水口稍通人馬其餘墩空止通單騎又二十里至

南水谷正關水口平漫通騎衝又八里至北水谷正關

水口并挂弓頂卧狗嶺三空通單騎衝餘通步又十里

至灰谷口腰子石墩空通單騎

三鎮邊務總要

原鎮魯營在牆子嶺南三十里有新舊兩城其東有魚

子山堡西北與熊兒谷相接東入平谷縣境

方輿紀要

原弘治七年八月整飭薊州邊備都御史屠勲奏故豬

圈頭關平漫難守關之北三里曰北水谷南八里曰南

水谷成化中各因山增設二關險要可守但區畫未備

請于二關內加修城垛增立墩堡從之

明孝宗實錄

原由灰谷口十二里至黃門口關正關水口平漫可通

大舉又松嶺墩空亦可通騎又十里至南谷砦正關河

口平漫可通大舉又防秋墩空亦可通騎又八里至牆
子嶺關外通大川寬漫內南高墩并窩舖嶺及正關月
城河口俱衝又一里至磨刀谷正關水口通牆子嶺大
川并大小尖山墩空平漫通大舉又三十里至小黃崖
關正關河口可通單騎又十二里至大黃崖關正關通
單騎餘通步

三鎮邊
務總要

三鎮邊
務總要

原牆子嶺在密雲縣東北古北口之東南嘉靖二十四年諾音二十萬騎潰此而入大掠通州及順義三河諸

縣四十二年諳達復由此入其東北為磨刀谷嘉靖中

嘗失守

方輿紀要

原牆子嶺距密雲縣七十五里城周一里三百一歩四尺三門參將提調各一人守之有水關水東流至石匣南入於潮河崇禎十一年失守總督侍郎吳阿衡死焉

昌平山水記

原自牆子嶺而東十六里曰城子谷又東五里曰響水

川又東有陡子口字家莊青羊嶺三岔口諸處

方輿紀要

臣等謹按以上各條皆叙牆子路今隸密雲縣境

欽定日下舊聞考卷一百五十二

欽定四庫全書

欽定日下舊聞考卷一百五十三

邊障二

原古北口路關砦一十八東自盧家安砦西抵蠶房谷
砦延袤九十五里古北口下關砦九盧家安砦鴉鵲安
砦司馬臺砦丁髻山砦沙嶺兒砦磚垛子關龍王谷關
師坡谷關古北口關

俱洪武
年建

邊城五十五里附牆臺一

座空心敵臺八十四座潮河川下關砦八潮河第一砦

第五砦第六砦潮河川關第七砦弔馬谷砦陡道谷砦

蠶房谷砦

俱洪武年建

邊城九十二里空心敵臺二十七座

四鎮三

關志

臣等謹按古北口順治初年設都司一員康熙三十二年移提督駐劄

原由將軍臺十里至盧家安砦又三里至鴉鵲安砦山俱險通步又四里至司馬臺隘口通單騎又六里至了髻山又三里至沙嶺砦又三里至磚操子關又六里至

龍王谷又十里至師坡谷又十里至古北口俱外通大

川各墩空俱通騎極衝

三鎮邊務總要

原後梁乾化三年三月晉將劉光濬克古北口燕居庸

關使胡令圭等奔晉

通鑑

原遼神冊六年十一月下古北口

遼史太祖紀

原統和四年十二月以古北松亭渝關征稅不法致阻

商旅遣使鞠之

遼史聖宗紀

原宋太宗謂宰相曰幽州四面平川無險固可恃難於

控扼異時收復燕薊當於古北口以東據其要害不過三五處屯兵設堡自絕南牧矣宋琪對曰范陽是前代屯兵建節之地古北口及松亭關野狐門三路並立堡障至今石壘基堞猶存將來平定幽朔止于數處置戍可也

太平治
逆統類

原金天輔三年布希敗宋兵於古北口

金史太
祖紀

原太祖入居庸關遼林牙耶律達什自古北口亡去

金史

鈕祜祿罕努傳 按鈕祜祿舊作粘割今從
八旗姓譜改正罕努舊作韓奴今對音譯改

原遼兵屯古北口宗翰使博勒和將兵二百擊之瑛楚亦將二百人為後援瑛楚聞遼兵衆請益兵宗翰欲親往希尹洛索請行瑛楚至古北口遇遼游兵逐之入谷中遼步騎萬餘追戰死者數人瑛楚據關口希尹等至大破遼兵斬馘甚衆

金史完顏希尹傳按瑛楚滿洲語水床也舊作渾黠洛索義見前

舊作婁室
今俱詳改

原宗翰在北安州將會舍音于奚王嶺遼兵奄至古北

口奮擊大破之

金史巴爾斯傳按舍音滿洲語色白也舊作斜也巴爾斯義見前今俱詳改

原實古納追蕭妃至古北口

金史博勒和傳

原溫特赫阿魯岱以兵四千屯古北口薊州石門關等

處各以五百人守之韓罕收合散卒萬餘人時時出兵

侵蘇魯克古淀古北口興化之間

金史韓罕傳按阿魯岱蒙古語山陰也

舊作阿魯帶罕滿洲語袖頭也舊作窩幹蘇魯克蒙古語牧庫也舊作速魯今俱譯改

原大定二年六月戊寅詔居庸關古北口譏察遼人已

知詔守禦古北口及石門關八月萬戶溫特赫阿魯岱

與奚戰於古北口敗焉

金史世宗紀

原泰和五年八月築古北口東陘二城

大金國志

原大安三年總管萬戶奎騰屯古北口

金史衛紹王紀按奎騰蒙古

語冷也舊作
孤頭今譯改

原貞祐二年六月潮河白河溢漂古北口鐵裏門關至

老王谷

金史五行志

原元中統二年十月詔平章政事塔齊爾率軍士萬人

由古北口西便道赴行在所三年閏月立古北口驛四

年正月罷古北口新置驛

元史世宗紀

原天厯元年九月上都兵入古北口將士皆潰其知樞密院事準台以兵掠石槽雅克特穆爾遣薩敦倍道趨石槽掩其不備擊之雅克特穆爾大兵繼至轉戰四十餘里至牛頭山降者萬人餘兵奔竄夜遣薩敦出古北口逐之

元史文
宗紀

原至正二十四年三月壬寅圖沁特穆爾兵入居庸關甲辰皇太子率侍衛兵出光熙門東走古北口趨興松

元史順
帝紀

原明洪武二十二年命燕王出師古北口襲兀爾布哈

于迤都降下之

明太祖實錄 按兀爾布哈蒙古語和也布哈義見前舊作乃兒不花今譯改

原永樂八年正月塞古北口小關及大關外門僅通一

人一騎

明成祖實錄

原嘉靖二十九年諳達入侵官軍禦之于此諳達別遣

精騎走間道從關左黃榆溝出師後官軍遂潰自古北

口至京師才七舍漫衍無衛戍瞭望諳達長驅而南京

師大震既而復循諸陵而北東循潮河川由古北口出

關口兩崖壁立中有路僅容一車下有深澗巨石磊砢
凡四十五里乃險絕之道也

方輿
紀要

原古北口水淺則絕潮河水大則紆迴從山頂行故石
匣至古北口計程為六十里也宋沈括言自金溝館東
北行乍原乍隰三十餘里至中頓過頓屈折北行峽中
濟灤水通三十餘里鈎折投山隙以度所謂古北口也
時道出其西故云然其曰灤水即今之潮河也古北口
城在山上周四里三百一十步三門洪武十一年立守

禦千戶所三十年改密雲後衛領左右中前後五千戶
所其後以參將一人守之唐書檀州燕樂縣有東軍古
北二守捉北口長城口也又北八里有都古爾濟河
奚王牙帳也金史古北口國言曰瑠和嶺元史古北口
千戶所於檀州北面東口置司唐莊宗之取幽州也遣
劉光濬克古北口遼太祖之取山南也先下古北口金
之滅遼希尹大破遼兵于古北口其取燕京也希尹敗
宋兵於古北口元文宗之立也唐其勢屯古北口薩敦

追上都兵于古北口圖沁特穆爾之入也太子出光熙
門東走古北口嘉靖中諳達之犯京師也入古北口出
古北口故中居庸山海而制其阨塞者古北喜峯二口
馬城北門外有楊業祠業以雍熙中為雲州觀察使遼
陷寰州遇於雁門北陳家谷力戰不支被擒不食三日
死忠矣然雁門之北口非古北口也祠于斯者誤也

昌平

山水記 按都古爾濟蒙古語盈滿也舊作吐蔑
真瑠和滿洲語海白魚也舊作留幹今俱譯改

原自檀州北行八十里又八十里至虎北口館

使遼行
程記

朱彛尊原按古北口亦名虎北口而太原汾水之
北亦有虎北口通鑑石晉天福元年遼主至晉陽
陳於汾北之虎北口開運二年趙延壽部曲降者
言遼主還至虎北口聞晉取秦州復擁衆南向是
太原之虎北口也

原古北口兩傍峻崖中有路僅容車軌口北有舖設弓
連繩本范陽防阨遼之所最為隘東出口度得勝嶺盤
道數層俗名思鄉嶺八十里至新館過雕窠嶺偏槍嶺

四十里至卧如來館

王文正
上遼事

原幽州之地沃野千里北限大山重巒中有五關居庸
可以通大車通轉餉松亭金坡古北口止通人馬不可
行車外有十八路盡鬼徑鳥道止能通人不可行馬許
本

使行
程錄

原古北口城雄據山頂蓋徐武寧所經畧也

荆川
集

原古北口僧寺刻宋蘇文定轍古北口道中詩云亂山
環合疑無路小徑縈迴長傍溪髣髴夢中尋蜀道興州

東谷鳳州西宋史元祐間轍嘗代軾為翰林學士尋權
吏部尚書使遼館客者侍讀學士王師儒能誦洵軾之
文及轍茯苓賦此蓋奉使時所題也

塞北
小鈔

補叅將魏祥死節于石塘嘉靖丙申勅建祠于古北口

大石山之陽

黃圖
雜志

原由古北口關五里至潮河第一砦邊外大川各墩空
俱平漫通騎極衝又三里至第五砦邊外大川各墩空
俱平漫極衝惟柏楂山險又一里至第六砦邊外大川

惟箭口安高險不通騎其黃榆墩係嘉靖庚戌諸達入
犯處又一里至潮河川關邊外大川各墩空俱通騎極
衝又三里至第七砦又八里至弔馬谷又三里至柞子
谷入十里至陡道谷又八里至蠶房谷山俱險通步三鎮

邊務
總要

原潮河川守禦千戶所有關河自塞外興州發源入古
北口西南經密雲懷柔至牛欄山與白河合其寬處可
一二里昔人斫大樹倒著川中狹處僅二三丈以巨木

為柝其外縱橫布石以限我馬此漢郎中侯應所謂木
柴僵落谿谷水門者然水性湍急大雨則諸崖之水奔
騰而下漂木走石當歲歲修治又所云功費久遠不可
勝計也川之兩傍築垣立臺東臺下有鐵門關為出入
道常扃鑰不開而臺上有樓總督大臣以撫賞蒞焉關
外為夾牆撫夷魚貫而前受賞於關下軍士列兩山上
伐鼓吹角以震讐之下有小城曰北關營二門而川口
東南有小城曰潮河川堡亦二門守備一人守之臺之

東西因山為城參差曲折千里不絕其衝處則建空心敵臺高或三四丈廣或十四五丈凡衝處或四五十步一臺緩處或二百步一臺每臺百總一人主殺敵臺頭副二人主輜重五臺一把總十臺一千總皆以南兵充之每一二里鈴柝相聞為一墩每墩軍五人主瞭望每路傳烽官一人有警舉烽左右分傳數百里皆見應速而備豫大抵皆戚少保繼光之遺畫也

昌平山水記

原潮河在密雲縣東南自古北口流入縣界西南流至

順義縣合於白河

方輿紀要

臣等謹按顧祖禹方輿紀要所稱乃潮白故道今則於密雲東南合流矣詳見前

原元中統二年十月指揮使李伯祐率餘兵屯潮河川十一月分蒙古軍為二克呼木從麥肖出居庸口駐宣

德德興府諾海從阿固岱出古北口駐興州帝親將諸

萬戶漢軍及武衛軍由檀順州駐潮河川

元史世祖紀按克呼木

蒙古語牆也舊作怯烈門諾海蒙古語犬也舊作訥懷阿固岱蒙古語寬也舊作阿忽帶今俱譯改

原至和元年八月薩里從知院托克托穆爾至潮河川
獲鄂勒哲巴圖爾阿達奇等十二人

元史本傳 按薩里義見前舊作微

里巴圖爾蒙古語勇也舊作八都兒阿達奇滿洲語鄰也舊作愛的斤今俱譯改

原明弘治八年十月命兵部右侍郎王宗彞同工部左
侍郎徐貫都御史屠勲詣黃花鎮抵居庸一帶邊關看
驗地形平坡隘口應修治處所奏聞十二月宗彞等奏
按視潮河川形勢河口東西寬百七十餘丈地皆流沙
土脈不堅城之不便惟宜增兵戍守其響水谷以東直

抵古北口一帶墩座稀少請於內各添設大墩一每墩濶十二丈高三丈上置草屋下挑濠塹遣謀者分班瞭

望從之

明孝宗
實錄

原巡撫洪鍾議以古北口東三里許二砦三砦間其山外高內低約餘二丈鑿為兩渠以殺水勢復於口外砌石堰使水由川中行仍於堰內築外關一座以防寇衝詔從之議者謂於柏檀山築牆則川在牆內鑿之無益或又言潮河川古道門外有蜂窩嶺增墩濬川設橋其

間可防衝突許論則謂潮河川係殘元避暑故道設橋則浮沙難立為塹則漲水易淤若多建石墩列川中錯綜宛轉令不碍水路亦脩禦之一法也

方輿紀要

原弘治十三年和碩自大同深入乃分遣大人戍此

同上

按和碩滿洲語隅也舊作火篩今譯改

原弘治十四年七月都御史洪鍾奏潮河川功成上勅司禮監太監李璋工部右侍郎張達閱視八月達等勘事回言鍾所鑿石洞上寬下狹僅泄小水夏秋水溢石

墮仍循古道其稱得地數百頃亦近邊牆地多沙石耕種匪宜若其修築川內大小石城邊牆墩堡具有成績其用心亦可嘉也上命兵部看詳以聞於是兵科都給事中屈伸劾鍾倖罔之罪而六科十三道齊劾奏鍾并及張達罰鍾俸三月宥達勿問

明孝宗實錄

原弘治十八年六月設潮河川新營於古北口外關調

古北潮河二營戍守

明武宗實錄

原嘉靖三十二年經畧侍郎楊博上言潮河川西山野

猪嶺墩起至猪背砦後崖止計長四百一十五丈中間
岡勢坦漫豁峴五處臣今議於川內創築小石城六座
每城內各築一墩自北而南三城儼如綦布自南而北
三城宛如星羅分屯勁兵令其隱見避擊又議於川西
山野猪嶺墩起至猪背砦河口墩迤北石崖止剏修橫

城一道

明世宗
實錄

補徐武寧王之入燕都也順帝夜開健德門北奔太子
率侍衛兵出光熙東門走古北口趨興松順帝駐應昌

府一年而殂國人謚曰惠宗太子嗣立改元宣光凡十

一年謚曰昭宗

歷代建元考

朱昆田原按順帝北走駐應昌太子阿裕爾錫哩達喇嗣立徙和林改元宣光高麗稱為北元辛禍嘗奉其年號時洪武十年也明年都塔濟特穆爾立北元遣使告高麗繼又以改元天元告高麗具見鄭麟趾高麗史則繼順帝而建元者非止宣光

矣

按都塔濟蒙古語缺欠也特穆爾義見前舊作豆叱仇帖木兒今俱譌改

補宋初自雄州東際於海多積水議者以為宜度地形
高下建阡陌浚溝洫所以實邊廩而限戎馬今潮河川
一帶何不仿此遏水為陂則所防止冰堅時爾

谷水
談林

增

聖祖御製古北口詩 斷山踰古北石壁開峻遠形勝
固難憑在德不在險

增乾隆六年

御製古北口關提標兵士詩 鳴騶出天府停轡駐雄

關雁避彎弓士熊羅執戟班堂堂陣方勁赳赳技皆嫻
詎弛忘危念猶思守德艱

增又

御製入古北口詩 羽蓋駸駸度玉關三秋巡狩薄言
還愛看綠麥鋪平甸漫憶黃羊遍塞山

增乾隆十年

御製出古北口詩 棲山駕海帶秦遼拓抱中原迴近
霄此日無煩誇地險當年見說控天驕金甌詎恃一丸

固玉燭恒慚六幕調來往巡農兼閱武萬年家法仰

神堯

增乾隆二十一年

御製出古北口詠古詩 夜雨朝晴候襟燕帶塞關遼

哉綿萬里壯矣據千山豈復藩籬固誰知肘腋間鬼工

猶覺費民力信其艱此日資耕鑒行秋每往還不隨今

古變一片嶺雲間

增乾隆三十七年

御製出古北口即事詩 東方曉日萬峯明山路盤旋

策馬行巖堞軸輒半有址市鄧櫛比永無征

凡關皆有征稅惟古

北口

不設權司遵
皇祖遺制也

旅人那慮漸石潭農父偏欣曬麥晴

讓水即為治水策費財奚事築邊城 古北口邊牆緣

山跨水以築潮河穿水門入庚寅夏大雨數日河漲數

丈餘奔驕突激繚垣及城闌皆毀於水以其為經涂觀

瞻所繫發衝緝繕完之辛卯秋霖又盛河漲如前新繕

垣復圯迨出口臨閱察其故蓋邊牆踞河上正當其衝

河流既移逼城根非可人力爭禦若屢迤屢葺雖無力役勞民之事而糜金錢疲工作非計也至於遏其勢致橫溢傷民廬益非計也且今中外一家關以外尚隸畿輔又安藉此防邊為北門固屹然壯觀餘堞本無所輕重因命視牆峙處結築礮臺以見規制闕者委之於河使其暢流順軌行水之智貴乎因勢利導讓之乃所以治之然於此正可若夫內地民稠之處則又不可

臣等謹按古北口

御製詩謹繹有關紀述事實者恭載卷內餘不備錄

原蘇轍古北口詩

獨卧繩床已七年往來殊復少情

緣魂歸故國鳥飛處身在中原山盡邊梁市朝回塵滿

馬蜀江春近水浮天柱將眼界疑心界誰信逍遙物外

篇 樂城集

原倪敬古北口詩

虎豹森嚴雉堞牢亂山如戟入雲

高驅車直上西岡頂沙漠依稀見白旄

月樓稿

原唐順之古北口作 諸城皆在山之坳此城冠山如

鳥巢到此令人思猛士天山萬里鳴弓弰 荆川集

原董穀塞上曲

洗劍潮河水滿川彎弓古北雪封羈

將軍好著燒荒令莫遣花當輒近邊 泰龍子集

原湯顯祖送人從軍詩

鴉鵲盤雲秋氣清長川飲馬

暮嘶聲新穿繡甲花樓子知是潮河第一營 玉茗堂

集

補李夢陽詩

孤蓬絕塞口匹馬戍程前跨迴烟墩直

緣危石棧連飛雲下獨石逝水入潮川舊對張軍帥題
詩醉菊天空同集

原許侯塞上曲古北關前月似霜石塘崩下塞雲黃
鳴茄夜半邊聲起不足征夫亦斷腸西峪集

臣等謹按以上各條皆叙古北口路今隸密雲縣

境

原由潮河川營至石匣營四十里石匣營至白馬關四

十里白馬關至石塘嶺營四十里

三鎮邊
務總要

原密雲新城東北六十里為石匣城城周四里二百六
十四步三尺四門城西平地有石如匣深不可劖故以

名其驛自會同館東北六十里為順義驛七十里為密雲驛六十里為石匣驛先置在今城南里許宣德四年密雲中衛奏為河水所嚙徙焉弘治十七年築城自石匣城東北行十里為要亭舖入山又十里為新開嶺又十里為老王店金史貞祐二年潮河溢漂古北口鐵裹門關至老王谷者此也

昌平山水記

原正德十年五月巡關御史張鰲山陳邊防事宜謂密雲北去古北口關各百里西去黃花鎮百五十里遇警

應援不能及惟石匣營為適中請添設副將駐劄操脩

提督侍郎陳玉議以為不必添設

明武宗實錄

原石匣營距密雲縣治六十里洪武中建土城嘉靖中

增築石城屹然遂為一巨鎮矣

長安客話

臣等謹按以上各條皆叙石匣營

原石塘路關砦二十三東自陳家口西抵開連口延袤

二百五十里白馬關下關砦十一陳家口關東駝谷關

西駝谷關左二關響水谷關白馬關划車嶺砦白崖谷

關馮家谷關營城嶺關黃崖口關

俱永樂
年建

邊城一百五

十五里空心敵臺三十六座石塘嶺下關砦十二石塘

嶺關東石城關西石城關東水谷關大良谷砦白道谷

關牛盆谷關小水谷關大水谷關河坊口關神堂谷關

升連口關

俱永樂
年建

邊城九十二里附牆臺三座空心敵

臺五十九座

四鎮三
關志

原由蠶房谷十里至陳家谷橫嶺北平漫通單騎又五

里至東駝骨關北平南險通單騎又十里至西駝骨關

正關并迤東墩空通騎衝又三里至左二關正關通騎
極衝餘通步又十里至響水谷通步又十里至白馬關
正關河口通連騎極衝紅土谷并莊窠谷通單騎餘通
步又三里至划車嶺正關平漫通單騎今改修邊堡又
十里至白崖谷通步又十二里至馮家谷正關并迤西
六墩空俱通單騎衝又二十里至營城嶺山險止通步
又五里至黃崖口關正關通單騎衝鮎魚石墩空通單
騎餘通步

三鎮邊
務總要

原白馬關在石塘嶺東北四十里東去潮河川九十里
有城有水關關北七十里
有湯河又北百里為滿套兒
要衝也自湯河上稍正南行順白河至石塘嶺可二百
里山惡水深稱為天險

方輿
紀要

原白馬關相近有高家堡萬歷中諾音侵石塘嶺攻白
馬關及高家堡官軍禦卻之

邊防
考

原由黃崖口關五里至石塘嶺正關河口寬敞通人馬
其關東石門墩夏秋水大河口坳馬難行打虎安老鴟

嶺三空墩亦可通馬餘山險通步又三里至東石城又
二里至西石城正關俱通單騎餘通步又四里至東水
谷關正關通單騎東西南山俱陡又十五里至大良谷
兩山陡峻通步又三里至白道谷通步不通騎又五里
至牛盆谷通步又五里至小水谷山險通步又七里至
大水谷正關口并東山崖通單騎餘通步又五里至河
防口通大川正關河口并東西兩山墩空俱衝又十五
里至神堂谷串條子墩空通連騎極衝餘通步又二十

塘嶺四十里有城旁地平坦其北十八里曰段伏嶺又

有安子嶺在口北八十餘里皆防禦處

方輿紀要

原河防口關在縣東北開連口東第二關口也口外為

連雲棧又北為沙嶺兒隘窄不容馬防守較易

同上

原升連口關在縣北黃花鎮東第十一關口也其東北

二十八里有三角城本名三角村徐達敗元於此

同上

臣等謹按以上各條皆叙石塘路今隸密雲縣境

原薊昌先本一鎮嘉靖三十年始分為二設提督都督

一員護視陵寢防守邊關遂為昌鎮

長安客話

臣等謹按薊昌二鎮今俱裁

補自山海關而西薊鎮領之邊城凡一千四百七十四里城堡七十一座附牆臺一百四十六座敵臺一千九十五座主兵七萬三千五百六十二名客兵五萬七千五百七十三名自居庸關而東昌鎮領之邊城凡二百八十二里城堡一十三座附牆臺三十九座敵臺二百三十七座主兵一萬七千七百四十四名客兵一萬三

千一百七十九名明之邊防固矣其後李自成取徑居庸如入無人之境始信設險之不足恃也

籌記

補昌平設有總兵東歷東山口迄黃花鎮西歷南山口迄鎮邊城若左右翼之衛腹心然陵後柳溝南控長陵北鎮獨石東歷四海治西歷岔道又若左右腋之擎後背然向設南山兩協一住柳溝一住榆林布置頗密惟是兩協勢不相下恐畫地自委今議改協為鎮總兵仍住柳溝居中調度改東協為左翼住四海治以防陵東

與黃花鎮策應改右協為右翼仍住榆林以防陵西與
鎮邊城策應有警則宣鎮總兵堵禦外邊陵後總兵防
守內邊又與陵前總兵聯絡于東西紅山各口天壽宛
在中央若泰山而四維之矣

保邦
十策

臣等謹按以上各條總叙昌平一帶關砦

原黃花路東自慕田峪西至棗園砦延袤一百八十里

隘口一十七渤海所下隘口七慕田峪關

永樂二年建

賈兒

嶺口

嘉靖十五年建

田仙峪砦

永樂二年建

擦石口

嘉靖二十三年建

磨石

口驢鞍嶺口

俱永樂三年建

大榛峪口

永樂三年建

邊城八十一里半

附牆臺四座空心敵臺四十四座黃花鎮下隘口十南

冶口

永樂二年建

大長峪口小長峪口

俱永樂二年建

本鎮口

嘉靖十七年

年建鷄子峪口

嘉靖二十三年建

撞道口

永樂二年建

石湖峪口

正德八年

建西水峪口石城峪口東園砦口

俱永樂二年建

邊城五十五

里半附牆臺二座空心敵臺二十九座戰臺四座因陵

寢重地有警屯駐戰兵特設

四鎮三關志

原由開連口十里至慕田峪關正關并迤西王家坨燈

千嶺榨子墩劉家項分界墩胡思谷至界牌石止各墩
空俱山形平漫外臨大川極衝又五里至賈兒嶺界牌
石迤西安寧臺大管仲渠至德勝臺止內險外平牽馬
可上餘通步又三里至田仙峪山險有溝一道置水關
緩又十五里至擦石口山險有溝一道外通梨樹坨置
有城濠可守又十里至磨石口惟二道關并東山墩空
及水口衝要通馬其大安家坨迤西嵐兒谷各山險通
步又五里至驢鞍嶺內險外平又五里至大榛峪正關

外通四海冶東谷阜甯石東山墩雪山墩俱通單騎餘
山險稍緩又十里至南冶口通步又三里至大長峪堡
山險通步又二十里至小長峪堡山形雖下外險止通
步又五里至本鎮口頭道關其二道關通四海冶來騎
三道關往西南道路寬漫通衆騎極衝又六里至鷄子
峪堡牆外寬平通衆騎極衝其南北山墩二空皆山險
通步又三里至撞道口內窪外阜受敵極衝其桃園東
西墩空通步緩又二里至石湖峪山險不通騎又三里

至西水峪外通永陵南山說礮兒并韓家川通大舉極
衝又二十五里至石城峪即榆林溝東西平安地方棗
園砦二處係禁山多林木外通白龍潭可行單騎又五
里至棗園砦即驢兒坨迤東係禁山緩

三鎮邊
務總要

原募田峪城三門守備一人守之自此以東皆單邊自
此以西皆重邊也渤海守禦千戶所城三門距黃花鎮
城三十里距昌平川一百里其西小長峪堡有鑛洞嘉

靖三十六年封閉

昌平山
水記

原慕田峪在州東北百有五里其西南有城設官軍戍

守萬厯初移渤海所于慕田峪關

方輿紀要

原渤海新舊營城二座嘉靖二十七年建城有渤海倉

四鎮三

關志

原嘉靖中許論上言渤海所當山陵之北其間有蘇家口實為阨塞之地自此直抵通州張家灣凡百十里由張家灣至通州北塞籬村四十里有白河水深沒馬可據為守惟塞籬村至蘇家口七十里地形平漫每為敵

衝若密築敵臺界之以牆使京師有重關之險策之得

也從之

邊庭
碩畫

原黃花鎮為京師北門東則山海西則居庸其北隣四海冶極為緊要之區故弘治中遣總制嚴蘭經畧東西

諸關

長安
客話

原黃花鎮以東歷密雲馬蘭太平燕河屬於山海謂之東關以西歷居庸白羊紫荆倒馬屬於龍泉謂之西關

方輿
勝畧

原黃花鎮距州北八十里城三門元史黃花鎮千戶所
於昌平縣東口置司者也以參將一人守脩一人守之
景泰中又設內官守脩嘉靖四十年革鎮城直天壽山
之後當居庸古北二關之中而北連四海冶昔人所謂
擁護山陵勢若肩背者其水曰黃花鎮川河出塞外自
二道關入口逕渤海所懷柔至順義界入白河其流九
曲俗謂之九渡河城北有碧霞元君廟其殿西有二松
相去四五尺而上枝樛曲相穿遂合為一名曰交松城

西有垣一重曰頭道關再重曰二道關

昌平山水記

原黃花鎮城一座景泰四年建城有黃花倉

四鎮三關志

原章士雅黃花鎮詩

萬里黃雲百二關九陵烟樹接

羣山王庭遠從邊

塵淨征馬蕭蕭白日閒

長安客話

蒲李夢陽黃花鎮詩

往年趨北路今遠秦陵西盡黑

垂蘿密山青禁木

齊獨僧舉杪出怪鳥起陰啼寂寞黃

花堞遙臨古塞

溪空同集

臣等謹按以上各條皆叙黃花鎮路

欽定日下舊聞考卷一百五十三

欽定日下舊聞考卷一百五十三舉正

雪封鵜原書雪訛作雲今改

董寂塞
上曲

欽定日下舊聞考卷一百五十三舉正